АЖРИМ

(Даъво аризани кўрмасдан қолдириш тўгрисида)

Каттақўрғон тумани

2025 йил 3 марть

Каттақўрғон туманлараро иқтисодий судининг судьяси Ж.Юсуповнинг раислигида, судья ёрдамчиси О.Алишеровнинг котиблигида, Ўзбекистон Савдо-саноат палатаси Самарқанд вилоят худудий бошқармаси даъвогар "Мирзаев Шухрат Кенжаевич" фермер хўжалиги манфаатида жавобгар "Ўрик гули Н.О.А" фермер жўжалигидан 14 205 811 сўм асосий қарз ва 4 691 359 сўм пеня ундириш тўғрисидаги даъво аризаси асосида қўзғатилган иқтисодий ишни, даъвогар вакили С.Эшбоев (2025 йил 18 февралдаги 33-сонли ишончнома асосида), жавобгар хисобчиси М.Сатторова (2025 йил 25 февралдаги 3-сонли ишончнома асосида) иштирокида Каттақўрғон туманлараро иқтисодий суди биносида, ўтказилган очиқ суд мажлиси мухокамасида кўриб чиқиб, қуйидагиларни

аниклади:

Ўзбекистон Савдо-саноат палатаси Самарқанд вилоят худудий бошқармаси (матнда Палата деб юритилади) "Мирзаев Шухрат Кенжаевич" фермер хўжалиги (матнда даъвогар деб юритилади) манфаатида Каттақўрғон туманлараро иктисодий судига даъво аризаси билан мурожаат килиб, жавобгар "Ўрик гули Н.О.А" фермер жўжалигидан 14 205 811 сўм асосий қарз ва 4 691 359 сўм пеня хамда олдиндан тўлаб чикилган 37 500 сўм почта харажатини ундиришни сўраган.

Даъвогар "Мирзаев Шухрат Кенжаевич" фермер хўжалиги судга 2025 йил 3 мартда ариза билан мурожаат қилиб, Палатанинг даъвогар манфаатида жавобгарга нисбатан киритган даъво аризаси бўйича даъводан воз кечишини маълум қилган.

Суд мажлисига Палата вакили иштирокини таъминламади. Бундай холатда суд Ўзбекистон Республикаси Иктисодий процессуал кодекси (матнда ИПК деб юритилади) 170-моддасига асосан Палата вакили иштирокисиз кўришни лозим топди.

Суд мажлисида иштирок этган даъвогар вакили, даъво талабидан воз кечишини маълум килиб, аризани инобатга олиб, даъвони кўрмасдан колдиришни сўради.

Суд мажлисида иштирок этган жавобгар вакили даъвогарнинг даъво аризасидан воз кечганлигини инобатга олишни сўради.

ИПК 50-моддасининг учинчи қисмига кўра, давлат органи ва бошқа шахс томонидан даъвогарнинг ҳуқуқларини ҳимоя қилиш мақсадида тақдим этилган даъво аризасидан (аризасидан) даъвогарнинг (аризачининг) воз кечиши даъво аризасини (аризани) кўрмасдан қолдиришга олиб келади.

Шуниннгдек ИПК 107-моддасининг 8-бандига кўра, даъвогарнинг манфаатларини кўзлаб прокурор, давлат органи ва бошка шахс томонидан

тақдим этилган даъводан даъвогар воз кечган бўлса суд даъво аризасини кўрмасдан қолдиради.

Палатанинг даъвогар манфаатида берган даъвосидан даъвогарнинг даъводан воз кечганлиги сабабли, суд ИПК 107-моддасининг 8-бандига асосан даъво аризасини кўрмасдан қолдиришни лозим топди.

Суд харажатларини даъвогар зиммасига юклашни, Республика бюджетига даъво суммасининг 2 фоизи микдорида 377 943,04 сўм давлат божи ундиришни ва олдиндан тўланган 37 500 сўм почта харажатини зиммасида колдиришни лозим топди.

Юқоридагиларга асосан ва Ўзбекистон Республикаси Иқтисодий процессуал кодексининг 107, 118-моддасига ва 195-моддасига асосан суд

ажрим қилди:

Ўзбекистон Савдо-саноат палатаси Самарқанд вилоят худудий бошқармаси даъвогар "Мирзаев Шухрат Кенжаевич" фермер хўжалиги манфаатида жавобгар "Ўрик гули Н.О.А" фермер жўжалигига нисбатан берган даъво аризаси кўрмасдан қолдирилсин.

"Мирзаев Шухрат Кенжаевич" фермер хўжалиги хисобидан Республика бюджетига 377 943,04 сўм давлат божи ундирилсин.

Судга даъво ариза киритишда олдиндан тўлаб чиқилган 37 500 сўм почта харажати "Мирзаев Шухрат Кенжаевич" фермер хўжалиги зиммасида қолдирилсин.

Ажримдан норози бўлган тарафлар бир ойлик муддат ичида Каттақўрғон туманлараро иктисодий суди орқали Самарқанд вилоят судига апелляция тартибида шикоят қилиниши (прокурор протест келтириш) мумкин.

Судья Ж.Юсупов

